

4 июль 1940 ар № 59 (756)

10-тй АРЗЭ ПОТЭ.

Дуныз: толэзлы 50 коп.

1 номерезлэн дуныз 5 кап.

Ударник

—(Адрес: с. М Пурга УАССР)—

УАССР-ысь ВКП(б)-лэн М-Пургинской райкомезлэн но трудящойёслэн депутат'ёссылэн районной Советсылэн органы

Котькуд колхозын яслиос но детплощадкаос луыны кулэ

Вуиз гужем сельскохозяйственной уж'ёс пöлысь самой ответственной кампания—турын но ю-нянь октон-калтон, кутсаськон, государстволы тырыськон'ёсты дыраз тырыса быдэстон но мукет. Гужем быдэстоно сельскохозяйственной уж'ёс жегатскемез уг ярато. Ваньзэ ик соосты дыраз но выль зечлыкен быдэ'яно. Соин ик колхоз'ёсын ужан кужымез умой, шонер организовать карем бордын азинскон'ёслэн основной условиоссы. Та ласянь нимаз ик бадзым значение басытэ нылкышноослы колхозын ужаны условиос кылдытон.

Асьмелэн странаемы калык'ёс пöлын жыныез нылкышноос луо. Колхоз бусыосын, фабрик-завод'ёсын но трудлэн мукет фронт'ёсаз нылкышноос пиосын ойг радян ужало. Асьме районьсы тросаз колхоз'ёсын бусы ужез нылкышноос пиослэсь ятыр ужало.

Соин ик, нылкышноосты бадзым кужымен лид'яса, партия но правительство соослы кулэ условиос сётон понна сюлмаське. Ваньмыз ик нылкышноос бусы уж'ёс дыр'я ужаны мед быгатозы шуыса, детской яслиос но детплощадкаос кылдыг'ясько. Пытцамской сельсоветысь Ворошиловлэн нимыныз нимама колхозын али ваньмыз пинал'ёс детской яслиын уло, нош пиналзы вань нылкышноостурын октон-калтон бордын ужало.

Асьме районьсы тросаз колхоз'ёсын тае зеч валаса вугтыллямгэ на. Колхоз'

ёслэн кивалт'ясьёссы яслиос усьтон понна уг сюлмасько. Басытом, кылсярысь, „Юж-Пурга“ колхозез. Кылем ар'ёсын татын детской ясли но детплощадка ужаз вал. Нош туэ уж мукет луиз... Толон, 3 июле, колхоз турнаны потйз, пиналзы вань нылкышноос ваньмыз ужаны потыны ёз быгатэ, пинал'ёссыс кытчы кельтыны ёрмизы, та дырозь ясли но детплощадка усьтэмын ёвёл на. Колхозлэн правлениез ужан кужымез бусы уже тырмыт кутыса, турын но ю-нянь октон-калтон кампаниез образцово орчтон сярсыс уг малпаськы.

Озы ик Гожнинской, Ильинской сельсовет'ёсысь ойгыз но колхозын яслиос, детплощадкаос организовать каремын ёвёл. „Кай-машур“ но Кировлэн нимыныз нимама колхоз'ёсысь пиналзы вань нылкышноостросэз турнаны уг потало.

Тросаз колхоз'ёсын нылкышноос пинал'ёссыс огназы гуртазы келляно луо. Пинал'ёс кöня ке кузя огазе люкаськыса, кыче ке но умойтэм ужлы дышо. Чем дыр я лушкаськыны, тамак кыскыны, тылын шудыны кутско. Та бордысен пожар но потэ. Таце факт вал кылем арын „1-й май“ колхозын (Мало-Пургинской сельсовет).

Колхоз'ёсын яслиос, детплощадкаос организовать карон сярсыс Райздрав но Районо уг сюлмасько, нош Райзолэн работник'ёсыз та ужез вунэтыса возё, Районолы но Райздравлы окыса уло.

Ивортон

7 июле 1940 арын районной партийной собрание отиське.

Эскероно ужпум'ёс:

1. Отчетно-выборной районной партийной собранилэсь решиноссы но коммунист'ёслэсь указаниоссыс реализовать каронлэн мынэмез сярсыс отчет.

Районной партийной собрание районной клублэн помещенияз лусз Собрание 10 часын чукна усьтиськоз. Районысь вань ВКП(б) член'ёс но ВКП(б) членэ кандидат'ёс одно ик чик опоздать карытэк собрание лыктоно луо. ВКП(б) райкомлэн член'ёсызлы но кандидат'ёсызлы 7 часэ чукна пленуме лыктоно.

ВКП(б)-лэн М-Пургинской райномезлэн сенретарез А. Гаврилов.

Гожкыкузы ик коньдон тыризы

Ср-Кечевской сельсоветысь „Юлтош“ колхозысь колхозник'ёс но колхозницаос Куиньметй Пятилеткалэн Заемезлы (куиньметй арезлэн выпускез) кык нунал куспын 6 650 манетлы гожкызы. Подпискаен охватить каремын 54 мурт.

Колхозник'ёс, Агичесляков, Т. Демидов, П. Демидов, М. Гереев быдэн 200 манетлы гожкызы но гожкыкузы ик быдэн 50

манет наличноен коньдонзэс тыризы. Нош колхозник'ёс И. Кумачев гожкиз 225 манетлы но тыриз 55 манет, П. Кумачев 150 манетлы гожкыса озы ик гожкыкуз 50 манет наличноен тыриз. Выдэ заемлы 6650 манет гожкыса колхозник'ёс гожкыкузы ик ваньзэ 1015 манет наличноен тыризы. Подписка мынэ на.

И. Ложкин.

Котькуд трудоспособной колхозник'ёс заемлы гожт'ясько

„Вишур“ колхозысь колхозник'ёс но колхозницаос Советской Правительстволэсь выль Заем поттон сярсыс постановленизэ ноку но адзылымтэ шумпотонэн пумитазы но заем вöлдон выль активностен ортче. 3 июлэз 80 мурт колхозник'ёс но колхозницаос

6000 манетлы заемлы гожт'яськызы. Заемлы гожт'яско котькуд коркась вань трудоспособной колхозник'ёс но колхозницаос.

Тужгес ик урод ортче заем вöлдон „Кр-Май“ колхозын. 3 июлэз татын 36 мурт гинэ заемлы гожт'яськемын. Мухачев.

Тракторист'ёс Заемлы шумпотыса гожкызы

Куиньметй Пятилеткалэсь Заемзэ (куиньметй арезлэн выпускез) поттон сярсыс правительстволэсь решиноссы Кечевской МТС-лэн 3 номеро тракторной бригадасытыз тракторист'ёс шумпотыса пумитазы но жутскем мылкыдэн одобрить карызы.

3 номеро тракторной бригадалэн бригадирез М. Покоев но бригадирлэн помощникез Д. Бызгин выль Заемлы 250 манетлы гожкызы. Соослэн примерзы ик трактористкаос Ольга Алешкина но Калистратова быдэн 150 манетлы гожкызы.

И. Ложкин.

Странамылэсь обороназэ юнматоз

Озы шуыса 50 манет выль заемлы нырысь ик гожкиз Средне-Кечевской сельсоветысь „Лебедь“ колхозысь 70 ареслэсь бадзым пересь колхозник Карп Фролов. Солэн примерез'я колхозын 1600 манетлы гожкызы выль заемлы.

Фролов.

17 ЧАС КУСПЫН

„Дружба Народов“ колхозысь комсомолец'ёс М. Лукин, Н. Овчинников, М. Ожмегов но сельской советлэн депутатэз В. Быков выль заемлы быдэн 100 манетлы гожт'яськызы.

Та колхозысь котькудйз трудоспособной мурт'ёс 50 манетысен 100 манетозь заемлы гожт'яськызы. Заем вöлдэмын 17 час куспын 4150 манетлы.

Ломагина.

440740 МАНЕТЛЫ ВÖЛДЭМЫН

Районамы Куиньметй Пятилеткалэн 3 а е м е з (куиньметй арезлэн выпускез) 2 нунал куспын 440740

манетлы вöлдэмын. Колхозник'ёс пöлын 205325 манет. Рабочийёс но служащон'ёс пöлын 235415 манет.

Массовой туры октон-калтон кутскиз



Сельской хозяйствоез жу-
тонин но Всесоюзной сель-
скохозяйственной выстав-
каын кык ар куспын (1937
но 1938 ар'ёсын) показат-
ельёсты перевыполнить
карем понна „Смена“ кол-
хоз (Демьянской район, Ле-
нинградской область) на-
градить каремын Ленинлэн
орденэныз.

Суред вылын: Льновод-
стволэн областяз стаханов-
ской движенилэн инициа-
торез, „Смена“ колхозлэн
звенководэз Анна Петровна
Шахова, наградить каремын
Ленинлэн орденэныз. Ша-
хова эш—1940 арын ВСХВ-
лэн участницаез.

Кечурской сельсоветысь
колхоз'ёс 28—29 июне тур-
наны потйзы ни, али татын
массовой туры октон-кал-
тон мынэ. „Дружный“ кол-
хоз 3 июлэзь турнанэз 83
процентлы быдэстйз ни.

„Вишур“ колхозлэн тур-
нин возез трос, туэ арын
сэлэн турнан планэз 230
гектар. Соин ик татысь кол-
хозлэн правлениез ас аяз
сыйсь ответственной ужез
образово дасясыка пуми-
тэз, 28 июне массовой тур-
нин борды кутскизы. 3 ию-
лэзь 50 гектар турназы ни.

„Вишур“ колхозысь кол-
хозник'ёс пöлын умой
обсуждать каремын ВКП(б)

ЦК-лэн Мартовской Плену-
мезлэн решениосыз. Соос
зеч валазы партилэсь но пра-
вительстволэсь колхозной
крестьянстволэн заинтере-
сованностез понна тыршем-
зэс. Татысь колхозник'ёс но
колхозницаос ваньмыз сюл-
масько толалтэ азелы пудо
сион тырмыт дасян понна,
кормовой базаез будэтон
понна, кудйз луонлык сётоз
азьпалан пудо вордонэз
паськытатыны.

1 июле та сельсоветысь
ик „Путь к социализму“ но
„Кр.Май“ колхоз'ёс но тур-
наны массово потйзм.

Мухачев.



Ворошиловлэн нимыныз
нимам колхозлэн избачез
(Канской район Краснояр-
ской край) М. Б. Андриенко,
колхозник'ёс бусы уже ло-
тэм бере, аслэстыз ужзэ
бусые нуиз. Андриенко эш
бусылэн ваньмаз куинь
стан'ёсаз красной уголок'-
ёсты оборудовать кагиз,
кудаз вань литератураос но
выль газет'ёс. М. Б. Ан-
дриенко бригадной бордга-
зет'ёсты потгылонэн ки-
валтэ, ортчыт'я шара лыд-
зон'ёс но беседаос.

Суред вылын: М. Б.
Андриенко тракторной бри-
гададалэн вагончиказ красной
уголокын.

Ю октон-калтонлы дась өвёл на

Пытцамской сельсоветысь
Ворошиловлэн нимыныз ни-
мам колхозлэн правлениез
тулыс ю кизёнэз 10 нунал
чоже быдэстыны план лэсь-
гйз вал, нош планэз быдэс-
тйз одйг но жыны толэзь
чоже гинэ.

Таче ужлэн основной
причинаосыз луо; тулыс ю
кизыны кулэ луись сель-
скохозяйственной инвента-
рез тырмыт ремонтировать
карымтэ бордысь, трудэз
шонер организовать карым-
тэен, соцсоревнованиез ор-

ганизовать карытэк ужан
но азьмынйсь колхозник'ёс-
лэсь ужан опытсэс колхоз-
ной производствон пась-
кытатымтэ бордысь. Брига-
дир'ёс асьсэлэн бригадаыс-
тызы ударник'ёсты но ста-
хановец'ёсты өз шараялэ.
Колхозник'ёслэсь ужам ка-
чествозэс эскерись өз луы-
лы. Соин ик ужлэн качест-
воез но урод вал. Решет-
ников но Павлов бригадир'-
ёс турнепсэс гырымтэ вылэ
кизизы. Зvenoос бумага бы-
лын гинэ кылдытэмын, одй-
газ но бригадаын звеноос'я
уг ужало, звеноослы али
но участок'ёс вандылымтэ
на.

Ю октон-калтонлы да-
сяськон но чиданы луон-
тэм урод мынэ. Сельскохо-
зяйственной машинаосты ре-
монтировать карон ляб мы-
нэ. Колхозын ваньмыз ку-
инь жнейка лыд'ясыке, со
пöлысь одйгез но ремонти-
ровать карымтэ на. Косил-
каез кылем арын мукет
колхозэ нуизы но туэ но
отын ик кылле. Вал'ёс-
лэн лыдзыя 24 уробо кулэ,
нош колхозын ваньмыз 16
уробо гинэ лыд'ясыке, соос
но ремонтировать каремын
өвёл. Мешок'ёс 200 ин-
гые 35 мешок гинэ дася-
мын. Колхозлэн председа-
гелез Михайлов уборкалы
дасяськонэз уг дун'я, агит-
массовой уж уг нуиськы.

Г. Иванов.

Е. Малых.

Ку ревизия ортчытозы?

Колхоз'ёсын кварталной
ревизиос ортчыло ни, нош
М-Пургинской сельсовете-
тысь „1-й май“ колхозын
ревизия кемалась өз ни
ортчылы.

Колхозник'ёслэн общей
собраниезы тулыс ю кизён
бырем бере ревизия орт-
чытыны пуктйз но Райзо-
лэсь ревизор куриз. Райзо
ревизор ысто шуыса чек-
тйз. али ке но ревизор
уз на ысты, ревизия орт-
чытымтэ. Ку меда Райзо
аслэстыз обещать каремзэ
быдэстоз?

Е. Малых.

Асьсэлэсь решениоссэс уг быдэс'яло

Ср. Кечевской сельсовете-
тысь „Юлтош“ колхоз
котыкыче хозяйственной
уж'ёсын бере кылыса мы-
нэ. Колхозлэн кивалтйсь-
ёсыз выль урожай басытон
понна уг нюр'ясыко. Кол-
хозник'ёс пöлын культур-
но-массовой уж уг нуись-
кы.

Колхозлэн правлениез
колхозник'ёслэн общей со-
бранизылэсь решениоссэ
уж вылын быдэс'ян понна
уг сюлмаськы. Кылем 1939
арын пудо сион тырмыт
дасямтэен колхозник'ёслэн
но фермалэн но пудо си-
онзы өз тырмы. Соин ик
пудоос тросэз бырыны ше-
дизы. Кылем арын лэсь-
тэм янгышсэс туэ но лыдэ
уг басыто, кормовой база-
ос кылдытон понна ляб
сюлмасько. Таче кивалтэ-
мен колхозлэн пудо вор-
дон фермаосыз доход туж
ичи сёто. Фермаын но
конной дворын учет-отчет-
ность чидантэм ляб нуись-
ке, фермалэн заведующе-
ез Алешкин уг тоды кöня
солэн йöлыз тырмемын ни,

кöня кг. вöй люкамын ни.
Нош старшой конюх Бу-
грышев уг тоды аслэстыз
умой ужась конюх'ёссэ,
кудйз кöня соос вал судо.
фуражез учетгэк расходо-
вать каро. Алешкинлэн
1000 манет растратаез али
но колхозлы тырымтэ на
колхозлэн председателез
Орлов тае ачиз согыса во-
зыны тырше.

26 мае, туэ арын, кол-
хоз правление но активен
заседание ортчытэмын, ку-
да з решение кутйзы:
трудэз шонер организовать
карыны, пудо вордонэз бу-
дэтычы, сюрес лэстыонин
нуналлы быдэ 20—30 валэн
ужаны но вань государствен-
ной обязательной поста-
вкаосгы дыраз быдэсты-
ны. Та решениос ваньмыз
бумага вылэ кылизы, бы-
дэстэмын өвёл. Сюрес лэс-
тонин 20—30 вал ужан ин-
тые 2—3 вал гинэ ужало.

Ку меда колхозлэн прав-
лениез аслэстыз решени-
оссэ уж вылын быдэс'яны
кутскоз?

В. Калистратов.

Редактор—**Г. Иванов.**
Поттись—**Райсоветлэн Исполкомез.**

Я Л О Н

„Ударник“ райгазетлэн типографиезлы печатник
кулэ. Ужаны пырыны мылкыд карисьёссы редакцие
лыктоно.

Реданция.